

沈雲龍教授主編

近代中國史料叢刊

第九十四輯

文海出版社
有限公司
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅編輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第九十四輯

目 錄

- | | |
|--------------|------|
| 鄭延平（成功）年譜 | 許浩基編 |
| 傅青主先生年譜 | 丁寶銓輯 |
| 曾文正公（國藩）事略 | 王定安撰 |
| 景紫堂文集 | 夏 炘著 |
| 三願堂日記 | 趙彥稱著 |
| 山右讞獄記 | 顧麟趾著 |
| 近代筆記過眼錄 | 徐一士著 |
| 袁枚評傳 | 楊鴻烈著 |
| 畏廬文集・詩存・論文 | 林 紓著 |
| 蔡子民（元培）先生言行錄 | 新潮社編 |

鄭延平
柔譜

壬申七月
田桓



吳豐許氏
尚蔭堂物

序

曩歲浩基嘗至武林訪張蒼水墓見夫南屏靈竺諸峯左右拱揖而松楸迎風搖撼發爲波濤洶涌之聲恍疑蒼水英靈猶在人間旣而讀碑銘摩挲久之想見當年忠義奮發慷慨激昂與鄭延平同膺艱鉅百折不回千載之下猶令人徘徊景仰緬懷遺徽也顧蒼水事蹟已有黃梨洲全謝山先後爲之撰述墓碑趙搆叔爲之編輯年譜而延平竟無傳是亦一憾事焉夫延平以恢復明室爲職志金陵之役設無挫折則長驅北指光復故物亦意中事然大厦已傾非一木所能支事雖不濟而其浩然之氣固長存宇宙照耀史冊也烏可無傳以垂後世竊幸今日文網大開野記私乘次第錄出遂于

侍居之暇篝燈屬筆博采羣籍凡涉延平之行事者摭摭罔
棄迺成年譜一卷付之剞劂因述其緣起如此丙寅十二月
吳興許浩基謹識

勅封延平王誥

克叙彝倫首重君臣之義有功世道在嚴夷夏之防蓋天地
之常經實邦家之良翰爾漳國公賜姓忠猷愷掣壯畧沉雄
方閩浙之飛塵痛長汀之鳴鏑登舟灑泣聯袍澤以同仇噉
臂盟心謝辰昏于異域而乃戈船浪泊轉戰十年蠟表興元
間行萬里絕燕山之僞款覆虎穴之名酋作砥柱于東南繁
遺民以弁冕弘勳有奕苦節彌貞惟移忠以作孝斯爲大孝
蓋忘家而許國乃克承家銘具金石之誠式重河山之誓是
用錫以冊封爲延平王其矢志股肱砥脩茅戟丕建犁庭之
業永承胙土之麻尙敬之哉

右制誥一章見延平黃錄原書得之于福建故家所藏

舊鈔本因觸忌諱故未刊行蓋潛沒于篋衍者已二百七十餘年矣清初文字獄疊興若晚村南山諸氏偶涉攘夷橫攫奇禍殘明遺事縉紳先生難言之乾隆中銷燬天下禁書窮巷僻里罔敢隱匿炎燼之餘今亦半歸湮滅此卷以鄭氏子孫世守之力幸免祝融之厄蟲沙劫換秘笈猶存洵可寶也今由北平國立中央研究院印書行世以廣流傳始知物之顯晦悉有定數似非偶然者謹題數語以志其源壬申三月許浩基跋

鄭延平年譜

吳興許浩基穀人編輯

公姓鄭氏名森字大木賜國姓改名成功

邵廷采東南紀事朱成功本姓鄭氏名森字大木

父芝龍字飛黃

溫睿臨南疆繹史鄭芝龍字飛黃南安之石井人也長
軀偉貌倜儻善權變少隨大賈李習販日本習與同寢
見巨人數十披甲持兵列侍心異之撫爲義子 吳偉
業鹿樵紀聞芝龍字飛黃泉州南安縣石井人其父紹
祖爲府吏府之後有荔枝樹飛黃幼時嘗與弟自牆外
以石子打荔枝誤中太守太守擒治之見其姿容秀異

笑曰法當封侯卽釋去既長益嫵媚音律樗蒲靡不精

好因烝後母爲父所逐有巨商攜往海外 劉獻廷廣

陽雜記鄭飛虹

浩基按飛虹卽飛黃

幼姣好其父爲府吏時知府

蔡善繼園有荔枝樹飛虹同其弟自牆外以石打荔枝

誤中善繼之頭善繼怒呼其父子至一見飛虹而怒解

母翁氏日本國人

查繼佐魯春秋成功母出自日本嘗塑母像謹祠之懸

以真珠簾 廣陽雜記芝龍幼逃入日本爲人縫紉以

餽其口餘貲三錢縫衣領中矢旁皇于路以求之不得

而泣有倭婦新寡立于門內見而問之芝龍告以故婦

曰以汝材力三百萬亦如拾芥三錢何至于是蓋其婦

夜有異夢如韓斬王之夫人也遂以厚貲贈之而與之
夜合芝龍後得志取以爲室 計六奇明季北略飛黃
固姣好色媚愛之者非一商遂與俱往至則各商有發
貨置貨之煩飛黃獨無所事日就島主宴飲歌舞時島
主家有文君悅之卽國姓成功之母也

明天啟四年甲子公一歲

七月十五日公生

鷺島道人海上見聞錄賜姓以天啟甲子七月十五日
生于日本國 徐肅小腆紀年森卽芝龍娶倭婦翁氏
所生子也生之夕倭島火光燭天芝龍心異之 沈雲
臺灣鄭氏始末翁氏婦夢巨魚觸膺生子男也

天啟五年乙丑公二歲

是年芝龍入海爲盜

鹿樵紀聞久之仍附巨商歸中途爲盜所劫盜魁顏振泉復愛之任爲頭目振泉死眾議所立莫能決乃插劍于斛米中祝曰拜而劍動者天所命也次及芝龍劍忽躍出眾皆異之遂推爲魁 廣陽雜記逃往海盜李旦舟中有籠于旦旦死欲置主卜之于神飛虹十卜皆吉遂立以爲主其弟莽二名芝豹梟勇絕人遂雄踞海上弟芝彪後改名鴻逵 明季北略海盜有十寨寨各有主停一年飛黃之主有疾且痼九主爲之牲宰療祭其主亦就殂飛黃遂爲十主中之一 馮甦劫灰錄有李

習者商舶往來日本國豪于財芝龍曲謹事之李遂以
妻子託居芝龍家會習死芝龍乾沒其囊橐糾眾寇行
海上

天啟六年丙寅公三歲

天啟七年丁卯公四歲

是年芝龍內犯漳泉且以賄求撫

南疆繹史天啟崇禎間率兵內犯征漳泉鄉村之稅不
聽則屠之都督俞某往剿敗歸時武備單弱長吏畏聞
盜而芝龍亦不攻城邑不殺官吏且以賄求撫 東南
紀事七年六月犯銅山中左所芝龍故與他盜異常念
求撫所過戢麾下禁侵掠放還所獲軍將

崇禎元年戊辰公五歲

九月芝龍降于巡撫熊文燦

浩基按行朝錄南疆繹史俱作巡撫沈猶龍誤

鹿樵紀聞崇禎元年受撫于熊文燦授參將 東南紀

事因巡撫熊文燦請降時方徵天下兵聚遼東不能討

芝龍用撫羈縻之 明史熊文燦傳海上故多劇盜袁

進李忠既降楊六楊七及鄭芝龍繼起總兵官俞咨臯

招六七降芝龍猖獗如故然芝龍常敗都司洪先春釋

不追獲一遊擊不殺咨臯戰敗縱之走當事知其可撫

遣使諭降之文燦至善遇芝龍使爲已用閩中屢平巨

寇皆芝龍力文燦亦叙功增秩焉

崇禎二年己巳公六歲

是年芝龍招饑民載至臺灣開墾荒土

鹿樵紀聞崇禎中閩地大旱芝龍招集流民傾家資市耕牛粟麥分給之載往臺灣令墾闢荒土而收其賦鄭氏以此富強黃宗羲行朝錄熊文燦撫閩值大旱民饑上下無策文燦向芝龍謀之芝龍曰公第聽某所爲文燦曰諾乃招饑民數萬人給銀三兩三人給牛一頭用海船載至臺灣令其芟舍開墾荒土爲田厥田惟上上秋成所獲倍于中土其人以衣食之餘納租鄭氏

崇禎三年庚午公七歲

是年公由日本回

海上見聞錄至七歲遣人取回有志讀書聰敏不羣

江日昇臺灣外紀芝龍因火光中之異修書遣芝燕駕舟往日本迎接翁氏並其子回來 小腆紀年森在倭已七歲矣屢請于倭不能得乃遣人齎金帛往圖畫芝龍爲大帥秉鉞海表軍容烜赫狀倭頗憚謀于眾遣森還而留翁氏

崇禎四年辛未公八歲

崇禎五年壬申公九歲

崇禎六年癸酉公十歲

崇禎七年甲戌公十一歲

是年能課文

臺灣外紀十一歲時書齋課文偶以小學灑掃應對爲

題森後幅束股有湯武之征誅一灑掃也堯舜之揖讓
一進退應對也先生驚其用意新奇

崇禎八年乙亥公十二歲

是年芝龍討海寇劉香

行朝錄南安有苟慙惠安有劉香皆稱富强苟慙先亡
劉香恃眾不就撫朝廷命芝龍討之戰于五虎門外之
定海所芝龍力不敵香而弟芝虎勇甚望見香乘大艦
指揮兵士芝虎輕舟躍艦而上直前取香左右皇急莫
敢縱兵香亦勇格虎兵器墮之遂徒手而搏相持入海
皆死芝龍既併其眾遂益强盛東南紀事劉香李魁
奇等弄兵橫海外芝龍始皆與深好既假朝命討之俱

授首芝龍兵益盛獨有南海之利商舶出入諸國者得芝龍符令乃行 鄒漪明季遺聞海舶不得鄭氏令旗不能往來每一舶例入將三千金歲入以千萬計芝龍以此富敵國

築安平城

廣陽雜記安平城去泉州府城四十里乃鄭芝龍所築海舶直至城下 明季遺聞其守城兵皆自給不取于官旗幟鮮明戈甲堅利凡賊遁入海檄付芝龍取之如寄故八閩以鄭氏爲長城

崇禎九年丙子公十三歲

崇禎十年丁丑公十四歲

崇禎十一年戊寅公十五歲

是年補廩生

海上見聞錄年十五補南安縣學廩生 南疆釋史少

穎異補博士弟子員 小腆紀年年十五補諸生試高

等食餼

崇禎十二年己卯公十六歲

崇禎十三年庚辰公十七歲

崇禎十四年辛巳公十八歲

崇禎十五年壬午公十九歲

崇禎十六年癸未公二十歲

崇禎十七年甲申公二十一歲

五月福王立于南京芝龍遣兵入衛

臺灣鄭氏始末福王立于南京以明年爲弘光元年封芝龍南安伯鎮福建鴻達靖虜伯充總兵官守鎮江芝豹彩並充水師副將芝龍遣兵衛南京

事錢謙益爲師

東南紀事福王時入國子監師禮錢謙益 行朝錄弘光時入南京太學聞錢謙益之名執贄爲弟子謙益字之曰大木

學詩于徐孚遠

全祖望鮎亭集埼徐都御史傳延平之少也以肄業入南監嘗學詩于公

弘光元年六月改隆武元年乙酉公二十二歲

五月南京陷六月芝龍等擁立唐王于福州

南疆釋史南都之亡也鴻逵遇唐王于浙因奉之入閩
芝龍率文武將吏迎之水口驛擁立爲帝改元隆武以
芝龍爲太師平國公弟鴻逵大將軍定國公彩建國公
戚族部將封侯伯者十數人

賜公國姓改名成功封忠孝伯

南疆釋史芝龍引森進見帝奇其狀貌賜姓名曰朱成
功授爲招討大將軍照駙馬體統協理宗人府事 東
南紀事唐王立召見奇其狀貌賜國姓及今名封忠孝
伯 小腆紀年鴻逵引其子肇基見于王王賜之姓芝

龍聞之亦引森入見王奇其貌與語大悅撫森背曰恨
朕無女妻卿當盡忠我家毋相忘也

母翁氏自日本歸

臺灣外紀日本國王懼芝龍威權認翁氏爲女妝奩甚
盛遣使送到安平卽成功生母也 行朝錄芝龍娶日
本長崎王族女爲妻凡爲日本贅婿者例不得歸惟芝
龍挈其妻還東石 南疆釋史日本于海濱地列市數
十以居華人每百年則發兵盡殺之名曰洗街時其酋
方奉將軍令以兵來有與芝龍厚者預告之芝龍得乘
夜約親黨載妻子脫歸

芝龍鴻達提兵出關以壓眾心

南疆釋史芝龍握重權兵民之事皆其關決而以擁立
非已意與朝臣相牴牾帝每事裁抑浸以跋扈諷之出
關不聽成功性慷慨懷忠義心薄其父所爲 明季遺
聞芝龍亦以不出關無以壓眾心乃分兵爲二聲音萬
人實不滿千人以鄭鴻逵爲大元帥出浙東以鄭彩爲
副元帥出江西隆武倣淮陰故事築壇郊拜而送之既
出關疏稱候餉駐不行 廣陽雜記芝龍鴻逵皆提兵
出關思文浩基按思文隆武帝諡也詔賜姓謀賜姓勸思文出關思
文曰芝龍鴻逵朕將誰依賜姓曰臣父臣叔皆懷不測
陛下宜自爲計與帝相持痛哭帝曰汝能從我行乎賜
姓曰臣從陛下亦何能爲臣願捐軀別圖以報陛下

此頭此血總之已許陛下矣

隆武二年丙戌公二十三歲

九月福州陷芝龍降清公力諫不聽

南疆繹史福州破芝龍約降成功與其叔芝豹慟哭諫不聽 海上見聞錄貝勒與其書畧曰我所以重將軍者以將軍能立唐藩也且兩粵未平今鑄閩粵總督印以待芝龍得書大喜賜姓力諫不聽 明季遺聞其子弟皆勸芝龍入海而芝龍田園徧閩粵秉政以來增置莊倉五百餘所驚馬戀棧遂進降表 小腆紀年成功諫曰閩粵之地不比北方得任意馳驅若憑險設伏收人心以固其本興販各港以足其餉選將練兵號召不

難矣夫虎不可離山魚不可脫淵離山不威脫淵則困
願我父思之 東南紀事芝龍諭成功降成功不從曰
父教子忠未聞以貳比行又欲與俱見貝勒叔父定國
公鴻遠陰令逸去得免

芝龍被挾北去

明季遺聞至福州見貝勒握手甚歡折箭爲誓邀命酒
痛飲夜半忽拔營起遂挾之而北從者五百人皆別營
不得見亦不許通家信芝龍謂貝勒曰北上面君乃龍
本願但子弟多不肖擁兵海上倘有不測奈何貝勒曰
此無與爾事亦非吾所慮也

清兵大事淫掠公母自縊死

行朝錄芝龍既降其家以爲可免暴掠遂不設備北兵至安海大事淫掠成功母亦被淫自縊死成功大恨用夷法剖其母腹出腸滌穢重納之以殮

赴文廟焚儒服

小腆紀年成功雖受殊恩實未嘗典兵柄已聞芝龍北去乃悲歌慷慨攜儒巾藍衫赴文廟哭焚之曰昔爲僑子今爲孤臣向背去留各有作用惟先師昭鑒之

十二月倡義于烈嶼起兵誓師

行朝錄成功大會文武羣臣于烈嶼設高皇帝神位定盟恢復 南疆釋史募兵南澳是時閩地盡失而海上素馨鄭氏威名成功建牙舊眾稍稍集 臺灣外紀擇

日起兵誓師有本藩乃明朝之臣子縞素應然實中興
之將佐披肝無地冀諸英傑共伸大義之句

永曆元年丁亥公二十四歲

正月移軍鼓浪嶼

南疆繹史丁亥春移泊鼓浪嶼嶼與廈門相望 東南
紀事以故受唐王賜姓仍尊隆武年號自稱招討大將
軍罪臣移軍鼓浪島訓練成功年少有文武畧拔出諸
父兄中遠近皆屬心 魯春秋國姓方自保不奉父命
漸治其旅諸老將皆安之願爲用 海上見聞錄有眾
三百人于廈門之鼓浪嶼訓練委黃愷于安平鎮措餉
識者知其可與有爲于是平國舊將咸歸心焉

十月頒隆武四年曆

小腆紀年時道阻未通粵中也從大學士路振飛曾樓

議仍稱隆武四年頒曆用文淵閣印鈐之

浩基按顧炎武亭林集有

路舍人家見東武四先曆詩舍人振飛子澤溥也東武四先蓋隆武四年之隱語也

永曆二年戊子公二十五歲

閏三月攻同安

南疆釋史進攻同安守將廉印知縣張效齡棄城遁遂

破同安

遣使奉表于粵

小腆紀年成功遣前中書舍人江子燦黃志高奉表于

肇慶海上見聞錄永曆有令以為恢復在即詔各勦

鎮考試諸生

初闈等十餘

飄壤餘人不

方司主事使

十月封威遠侯

小腆紀年封

永曆三年己丑公

三月攻漳浦

東南紀事攻

七月封廣平公

小腆紀年晉

永曆四年庚寅公二十七歲

六月討蘇利不克遂圍潮州

南疆繹史成功入潮緣道誅剿土寇進攻碣石衛爲蘇利所敗 臺灣外紀成功引舟師擊蘇利風逆反師圍

潮州

八月取廈門殺鄭聯

東南紀事成功襲取廈門殺鄭聯并其軍 臺灣外紀聯在廈邇來橫征暴斂民不聊生取之正當其時

永曆五年辛卯公二十八歲

正月清兵襲破廈門

東南紀事成功南次平海閩撫張學聖使泉州守將馬

得功乘虛襲廈門入之

前大學士曾櫻死之

小腆紀年初閩中亡大學士曾櫻避居廈門城將陷家人促之登舟櫻曰此一塊清淨土吾死所也于是月晦日自縊死 海上見聞錄後兵部主事劉玉龍疏輔臣從容就義事奉旨曾櫻身死經常允宜優卹追贈光祿大夫上柱國太師諡文忠賜祭葬蔭一子中書舍人一子錦衣衛百戶世襲 南疆繹史櫻子文德起義一門俱死次子文思死于汀州僅餘一孫隨至廈門櫻死不知所在

鴻逵至圍馬得功旋縱之去

南疆繹史鴻達兵至圍得功得功欲退不得遣人語曰

公妻孥皆在安平鎮我不出恐不利于公家乃縱之歸

四月改廈門爲思明州

浩基按改爲思明州事各書紀載不一南疆繹史東南紀事俱作甲

午魯春秋海上見聞錄俱作乙未行朝錄作丙申未知孰是俟考

臺灣外紀改廈門爲思明州以鄭柱擎爲思明知州

五月施琅叛降清

南疆繹史先左鋒施琅叛降清清使守同安 廣陽雜

記施琅起身行伍隨鄭飛虹于隆武時爲將後隨賜姓

在廈門取臺灣

浩基按取臺灣事當隔十年之後

將不利于賜姓賜姓

覺琅降清後卒滅臺灣云

十二月張名振張煌言等奉魯王入閩公迎至廈門